考

信

錄

電筒考言様と大 **豎銷考信錄卷之八** 舖太伯虞仲太王之昭也太伯不從是以不配左傳傳 太伯端委以治周禮仲雍嗣之斷髮文身贏以為衛玄傳 附論〇子日泰伯其可謂至德也已矣三以天下讓民 太伯虞仲 大名崔述東壁謹考

1 1 1 1 1 1 1 1 1 1 1 1 1 察中權計論語 無得而稱焉 其德亦必待壯而後成生而有聖德特國語列文傳 主猶或不爲兄太王乎聖人之生固有與於常兒然 歷以及昌於是太伯仲雍乃奔荆蠻文身斷髮示不 而王秊歷之兄也季歷賢而有聖子昌太王欲立季 史記呉太伯世家云呉太伯弟仲雍皆周太王之子 可用以避季歷余按太王周之賢主也廢長立少庸 微伯論 語表 篇 〇調虞仲夷逸隱居放言身中清

事後之推崇云爾豈得以此為據也哉且大王安恕 王季之必傳之文王也哉已旣欲廢長而立少矣安 于晉武帝欲傳愍懷矣卒為賈氏所殺朱杜后欲僚 知王季之不亦然呉諸樊欲傳季札矣卒傳之於州 廷美德昭夫卒皆死於太宗之手故凡人主之欲祖 傳而至某人者皆愚主之所為也以大王之賢智必 不如此左計明矣况大伯之德固自足以與用而何 為含之而待夫不可必立之文王乎由是言之太伯

量年考 信母 へをオス 之讓王季乃大伯自欲讓之耳大王初無欲立季歷 之事也日然則泰伯何以讓國曰古人讓國常事耳 讓之者況商周之際浮樸之世哉且古人非但讓國 吳諸樊亦嘗讓季札矣春秋時獨有以兄弟為賢而 **儀魯匡句須讓宰於鮑國晉大夫之讓軍帥者尤不 春秋之世齊鮑叔讓相於管仲衛免餘讓卿於大权** 不足異也朱襄公營讓子魚矣韓無忌常讓起矣即 也即授官亦多有認者禹埀益伯夷之讓不待言矣

一直の場合を言葉をなっている。 附會曲爲之說故見益之不有天下則意度之以爲 争國者多讓國者少遂以古人之讓爲異往徃揣度 長而不為周君則意度之以為太王欲傳聖孫泰伯 **禹傳啟也不則以為敵殺益也見伊尹之不有天下** 而後讓也但自戰國以後人惟知有利而不知有義 可一二數是知讓本古人常事不必有所為不得已 則意度之以為大甲潛出自桐而殺之也見奉伯之 知而逃也後人之說古人大抵皆如是矣韓詩外

13 5 1 4 NO 12 詩云柞核斯技松栢斯兌帝作那作對自大伯王季 所不能通王季安能捐社稷而達去果羣臣皆欲立 有虞仲而無大伯亦似獨虞仲未嘗爲君也者或者 情理古者列國各有疆界岐之去呉數千餘里使命 仲從季而歸羣臣欲伯立季季遂立其語尤不近於 似太伯已嘗君用而後讓之王季也者論語記逸民 王季則是大伯不得已而讓也又豈足爲賢哉又按 亦載此事而語尤詳且云大王薨季之呉告伯仲伯

聖論お言味をおされ 無子弟仲雍立仲雍子季簡季簡子叔逹叔逹子周 世家又云大伯自號勾吳荆蠻歸之千餘家大伯卒 哉故今世家外傳之文皆不載說並見前大王篇中 奈何不詩論語春秋傳之信而獨史記外傳之信也 文身課以爲篩然則斷變文身亦非大伯事矣學者 乎春秋傳又云大伯端委以治周禮仲雍嗣之斷變 大伯既立之後讓之虞仲虞仲逃之而後讓之王季 章周武王克殷求大伯仲雍之後得周章周章已君

1-143 1: 1-13 W 雍爲大伯之弟因以傳之處仲別屬之 周章之弟也 嗣大伯而有國豈答復謂之逸然則哀七年傳之仲 於虞則傳不得稱爲虞仲大伯君吳而稱吳天伯仲 仲乃大王之子非周章之弟也若至仲之曾孫始逐 呉乃封周章弟於故**夏**塘是為虞仲余按傳所稱虞 疑史記因見哀七年傳仲雅嗣大伯之文遂誤以伊 雍非大王之子大王之子自號處仲非傳之仲莊矣 君呉而稱虞仲有是理邪且論語以虞仲為遠氏者

国立台河と与三日全水一(中日ケース			<b>敢</b> 載	刻之以俟學者熟玩工	大抵史記之言皆難
<b>E</b> .				列之以供學者熟玩而自得焉而凡世家之言概不	大抵史記之言皆難取信故今但取經傳之文次第

製元 は何とり当日企水」(おりとして…… **随逸民伯夷叔齊清語欲** 卒叔齊讓伯夷伯夷日父命也遂逃去叔齊亦不肯立 備覽○伯夷叔齊孤竹君之二子也父欲立叔齊及父 而逃之國人立其中子夷利傳 得仁又何怨出日夫子不為也論語述 日伯夷叔齊何人也日古之賢人也日怨乎日求人而 附論〇冉有日夫子爲衛君乎子貢日諾吾將問之入 伯夷叔齊

**棚伯夷叔齊餓於首陽之下於語季** 伯善養老者子 鱧伯夷辟紂居北海之濱開文王作興日盡歸乎來吾聞西 H144 17 1 4 1 1 17 17 附論〇子曰不降其志不辱其身伯夷叔齊與子篇 於四內皆以一歸叉使保召公就微子開於共頭之 下而與之盟日世為長侯守殷常祀相奉桑林宜私 呂氏春秋云武王使叔旦就廖鬲於四內而與之盟 日加富三等就官一別為三書同詞血之以牲埋一

孟諸為三書同詞血之以牲埋一於共頭之下皆以 俄馬余按書後于篇深切怨擊無非爱君憂國之言 津之會諸侯八百是周之力本足以滅商故孔于曰 無私與周盟以邀利之事矣文王三分有二武王孟 乎膠鬲事雖不詳然孟子與傅說箕比並稱則亦必 正與箕比之心無稱毫異但補救無方不得已而去 耳是以孔子稱仁孟子稱賢烏有佐周以覆宗國者 歸伯夷叔齊開之相視而笑北行至首獨之下而

豊錦考信録べ卷之八 心揣之而以爲私與周盟也但聞伯夷嘗餓於首陽 事也明矣蓋戰國之世邪說並作皆喜毀古聖人以 於周召私與微汗膠鬲盟而後能滅商哉微子膠鬲 王之伐商也武王果許封微子於朱何以克敗之後 之與武王皆不應有此事然則伯夷叔齊亦必無此 以服事殷可謂至德謂其能代商而不代商也何待 而不知其故則又以不肖之心附會之而以為惡武 便其私但聞微于封於朱而不知其故則以不肖之

豐鎬考信錄《卷之八 伯夷叔齊不念舊惡怨是用希論語公 治則進亂則退横政之所出横民之所止不忍居也思與 伯夷目不視惡色耳不聽惡聲非其君不事非其民不使 經傳皆無一言及之而但見於戰國諸子之書乎此 宜少讀書者皆知其妄而儒者往往信之其亦異矣 史記扣馬之諫蓋即本之於此等書說詳見後條下 故今首陽之餓載之讓國之後歸周之前以証其謬 不封徵子乃封武庚夷齊果避周而餓於首陽何以 焉是故諸侯雖**肖善其辭命而至者不**爱也旨 推惡惡之心思與卿人立其冠不正望望然去之若將浼 鄉人處如以朝衣朝冠坐於塗炭也當紂之時居北海之 **資以待天下之清也故開伯夷之風者頑夫廉懦夫有立** 人言立於惡人之朝與惡人言如以朝衣朝冠坐於塗炭 伯夷非其君不事非其友不友不立於惡人之朝不與惡 附論〇孟子曰伯夷聖之清者也同

自己 古同とアルコンドーへとここし 附論〇孟子曰伯夷監同 皆信之不疑獨宋王安石嘗闢之今節錄其文於左 謂孝乎以臣弑君可謂仁乎左石欲兵之大公日此 伐紂伯夷叔齊加馬而諫曰父死不葬爰及干戈可 **史記伯夷列傳云西伯卒武王載本主號為文王東** 義人也扶而去之武王已平殷亂天下宗周而伯夷 **俄且死作歌云云遂餓死於首陽山此說自漢以來** 叔齊耻之義不食周粟隱於首陽山釆薇而食之及 L

15多才有多一卷スプ 不然也夫商衰而紂以不仁殘天下天下執不病紂 司馬遷以為武王伐斜扣馬而諫義不食周粟是大 君不事不立惡人之朝避衬居北海之濱百世之師 而尤者伯夷也皆與大公開西伯善養老則往歸焉 也孔孟皆以伯夷遭籿之惡不忍事之以求其仁餓 而避不自降辱以待天下之清而號為聖人耳然則 日求仁而得仁餓於首陽之下逸民也孟子日非其 王安石伯夷論節伯夷古之論有孔子孟子焉孔子

當是時欲夷籿者二人之心豈有異耶及武王一 老春秋固己高矣文王之與以至武王之世歲亦不 大公相之伯夷乃不與何哉蓋二老所謂天下之大 余按天下之是非一而已矣此是則彼非此非則彼 是無两是之理也是故敬之繼統為是則有層之阻 下十數如是而言伯夷其亦理有不存者也 是則依湯武以伐桀紂者皆是桀紂非則助桀籿以 兵為非樂村之暴虐為非則易武之弔伐為是湯武

11日本一十十日 者各樹私思以結其士為士者各懷私思以報其君 抗湯武者皆非戰國以降地聽德齊各以力爭爲君 **豫讓以死報智伯矣聶政以死報嚴仲矣自世俗論** 理固無两是也齊桓能尊問室存亡國則以管仲之 之則以爲賢矣而自聖賢觀之特徒死而已故紂之 而不復顧天下之大義於是各為其主之說始與而 仁之者凡三其一則去對其二則皆諫紂者也何者 臣未必無殉國者而孔子概未之論及其於殷臣而

豊 編考信録 を之八 以伯夷之聖安得有扣馬之事哉且伯夷固當辟紅 佐之為仁楚僣王滅諸姬則其臣雖忠如子文面不 馬果是則殷紂之虐民無誠苟武王之救民不非則 不取於子路然則聖人之心可以見矣故伯夷之担 路之殉孔悝未嘗非忠臣之節而孔子深罪宗魯亦 得為仁而子西且有彼哉之漢矣宗魯之殉公孟子 而後可欲無紂必有人伐之而後可紂死既不可待 而居北海以待天下之清者也欲天下之清必無豺

也惡足以爲聖哉然則叩馬信則辟紂必誣辟紂信 欲救之者也若但自免其身而已人之不能免者已 暴甚矣民之困於紂極矣夫知保抱擕持厥婦子徂 **村矣則人之欲辟村而不能者必伯夷之所哀憐而** 厥亡出執是人人皆欲辟紂而不能也伯夷旣自辟 不能救而又禁人救之是伯夷但知有己不知有人 欲人伐之然則伯夷之心將令如何而後可也封之 衬譲又必不能不伐之無策也既不欲有料而又不 単記古月ピラSII 全大し、たっとこし 前乎世家之與年表此傳之與彼傳抵捂至不可數 則叩馬必誣孟子與史記亦無两皆是之理也史記 記東遷以後事形之春秋經傳猶多乘謬況克商以 首陽之餓因辟紂不因叩馬明矣辟紂故餓餓故思 之矣然史記猶信而采之烏在其可以誣伊尹而獨 之複焉辟紂之文至於三見而無一言及於叩馬則 不可以誣伯夷也孟子之述伯夷詳矣言之重焉詞 自所作者自猶反之況經傳乎伊尹之割烹孟子辨

大較也伯夷既素有清名又逽有俄首陽一事故附 **託諸許由毁禹則託諸子高毀孔子則託諸老聃其** 時楊墨並起處士横議常非堯舜薄湯武以快其私 故或自為論以毀之或託諸人以毀之是以毀堯則 之文正相發明經旨自了然而無髮矣蓋當戰國之 於首陽不然何為無故而思善養老者間開數千里 養而歸於周是以論語但云餓於首陽而不云餓死 而歸於周也哉學者但屏史記而不讀則論語孟子

豊高考言家一をクス 驗也太史公習聞其說不察其安而誤釆之耳王氏 **會為之說以毀武王若莊子及百氏春秋前條其明** 以為接孟子之傳而亦信楊墨之邪說而闢其謬者 能正而正之於陽虎也豈不惜哉異端之害莫甚於 之辨是也然太史公尊黄老而齊六術其釆之固無 足怪獨怪唐之韓子自命爲抵排異端朱之程朱人 乃出於逄君之安石是猶魯之逆配更數賢大夫莫 楊墨楊墨之罪莫大於非堯舜薄湯武此之不闢 上三 加

舉世皆信之吁其真可怪也夫 死不葵之言荒唐殊甚西山命衰之歌淺陋已極而 但據拾其他其母乃豺狼當道而問狐狸乎至於父

其官也公其質也大公齊人之追號之也是時諸	其官也公共育
蓋望其名也尚父其字也呂其氏也姜其姓也師	蓋望其名也尚
記之說則大公乃王季豈可去望而以大公稱之	記之說則大公
名為尚父余按孟子春秋傳皆稱為大公果如史	名為尚父余按
後誰問遂謂大公名牙索隱又謂尚名牙字而皆	後護周遂謂大
說日吾先君大公望于人矣故號之日大公望其	說日吾先君大
史記稱大公曰呂尚而云文王週於渭陽與語太	史記稱大公曰
	齊太公

.

尚而妄爲之說者也余性素改毎見古人世系名 官皆不見於經傳蓋由不知整之即名尚父之即 官與字而稱之者也循所謂保奭史佚也大公望 稱為言游子華之稱為公西華也牙之名尚父之 者連號與名而稱之者也猶所請用公旦召公奭 號之日大公循亶父之號爲大王也師尚父者逗 也呂尚者連氏與字稱之而省文者也猶子游之 侯尚未有益篇自周公始而大公為齊始封君故 

伯善養老者孟 随大公辟村居東海之濱開文王作興日盡歸乎來吾開西 史記齊世家云呂尚窮困年老以漁釣干西伯西伯 將出獵一之日所發非龍非影非虎非熊所獲覇王 誣百里奚孟子皆嘗辦之大 公伊尹儔也其不以漁 師余按戰國時人以割烹要湯誣伊尹以食牛干素 之輔果遇大公於渭之陽與語大悅載與俱歸立爲 姓為世所淆亂常不平焉故正之

豊婦者信鈞 卷之八 事者遂以之度大公而以爲亦然耳世家又云或旦 必早知之不必待田獵而後遇之也後世大臣多固 大公嘗事紂紂無道去之游說諸侯無所遇而卒賦 龍而不肯下賢是以英主往往求士於邂逅之中好 **大讓爲卿大公旣歸於周見大公者必爭薦之文王** 宅心灼見三有俊心傳日文王之朝士讓爲大夫大 與俱歸者亦恐未必然也書曰文王武王克知三有 **釣干文王也明甚然即所謂文王田渭濱與語而载** 

皇衛者信母不卷之人 美女奇物獻科以贖西伯而索隱引譙周言亦謂大 言大公之事蓋與伊尹相類躬耕自給安貧樂道而 公屠牛於朝歌賣飯於孟津余按孟子云大公辟村 **岩東海之濱則是大公不仕紂也大公方辟紂之不** 局或曰西伯拘羑里散宜生閔夭招呂尚爲西伯求 無求於外者必無游說諸侯屠牛賣飯求美女奇物 娶而寧肯自投於 朝歌孟津村之國中哉觀孟子之 以自污辱之事也故今但載孟子之語而史記及諸

王肆伐大商會朝清明詩大 牧野洋洋檀車煌煌駟野彭彭維師尚父時維鷹揚涼彼武 武事如孔子之爲文宣王者然余按孟子云由文王 之陰權皆宗大公唐以後因尊大公爲武成王專司 家之言皆不錄焉 世傳六韜爲大公所作戰國策稱蘇秦得大公陰符 以傾商政其事多兵權與奇計故後世之言兵及周 之謀史記亦云西伯之脫羨里歸與呂尚陰謀修德

| 直記上海とり三戸公本 | いだとして **父時維寫揚凉彼武王肆伐大商要不過以仁義之** 無事則用之治國有事則用之行師故詩云維師尚 道以佐文武而既孔子者非徒以此等見長也古者 之岩孔丁則開,而知之則大公者乃述堯舜禹湯之 **手於孔子五百有餘歲若大公垄散宜生則見而知** 道教民於平時做民於臨事率有勇知方之家爲伐 有文事者必有武備是以三代以上文武之途不分 暴救民之舉耳後世儒者泥於章句之俗學沈於性 占

武王伐商故託之耳後人信之爲寔過矣故今不載 **卻殺可說禮樂而敦詩書弱者之佐獨能以詩書禮** 兵者咸屬之於權謀術數之流由是文武遂分豈知 且遠出其下必療漢間人之所偽撰蓋以大公官相 樂行兵况太公王者之佐而反為此權謀術數之言 命之陳言不通達於世姿故不知兵者多而所謂知 乎且八韜所言術沒而文陋較之孫武呉起之善猶 三代以上不如是乎晉文公作三軍謀元帥趙衰日

聖消号信味が、をされ 齊三日端冕師尚父亦端冕奉書而入道書之言日 大戴記云武王践阼三日召師前父而問焉曰黄章 源項之道 序乎師的父日在丹書王欲開之則齊王 後余按敬勝數言文簡而意周事約而功廣誠爲聖 事或以爲在武王即位之初或以爲在武王克商之 敬勝息者吉息勝敬者城義勝欲者從欲勝義者凶 凡事不强則在弗敬則不正在者城廢敬者萬世此 賢做成之言帝王修持之要備也然武王有文王之 

齊三日 而後得聞此創論乎且以此為在即位之 初 若以此爲在克商之後則尚父乃武王之師十餘年 先後實爲矛盾或大公當以敬義之旨告武王而後 **緝熙敬止之義朝夕而提掛之而必待為君之 日致** 聖父太姒之聖毋其庭幃之教訓豈不以小心翼翼 中所啓沃者何事而此語乃秘之而不以告乎要其 則與後文所監不遠视循所代及予一人之語不合 八遂附會之而爲此說與故今不錄

はいいからいりとうとうない 世子孫無相害也二十六年 **周公太公股肱周室灰輔成王成王勞之而賜之盟目世** 十九年 决決乎大風也哉該東海者其太公乎國未可量也存 附論〇 呉公丁札亦聘請觀於周樂爲之歌齊日美哉 故運太公亦封於齊五月而報政周公日何疾也日 史記魯世家云伯禽受封之魯三年而後報政周公 日何遅也伯禽日變其俗華其禮喪三年然後除之

皇金才信金一巻之人 對日親親者先內後外先仁後義也問公日魯之屋 然大要不甚相違主具外近强弱之異則其後世子 公之澤及五世五年伯禽來朝周公日何治之難也 疾也對日尊賢者先疏後親先義後仁也周公日大 **噗日嗚呼魯後世其北百事齊矣說苑云伯禽與太** 吾簡其君臣禮從其俗爲也及後聞伯禽報政運乃! 及十世余按太公伯禽皆聖賢也其爲治不必盡同 公俱受封而各之國三年太公來朝周公日何治之

武王世魯封於,成王世其相隔違矣安得同時而輕 孫之故烏有立法之一初而即相背而馳者哉齊封於 |北以曾爲三年-說苑以爲五年傳聞之異顯然孔子 政且報政之日史記以齊爲五月說苑以爲三年史 之言志也皆云:三年可使有勇足民子産之治鄭亦 日苟有用我者。春月而已可也三年有成子路冉有 得為遲太公之三年亦何得為疾而周公乃異之乎 三年而後與人誦之三年政成常也伯禽之三年何

|豊錦考信録||《卷之六 備考〇齊侯以諸:侯之師侵蔡蔡濱遂伐楚楚子使與 君太公日五侯九:伯女寅征之以夾輔周 室賜我先君 師言日君處北海寡人處南海唯是風馬牛不相及也 不虞君之涉吾地 也何故管仲對日昔召康公命我先 氏春秋亦載此事而其交尤支離故今皆不錄 此乃後人據其《後日國勢而撰爲此說者不足據呂

韓非云齊有居士日狂為華士昆弟二人者立議日 禁也是以誅之余按太公佐文武以開周孟子列太 **公日不臣天子是望不得而臣也不友諸侯是望不** 無求於人也太公使吏殺之別公發急傳而問之太 吾不臣天子不友諸侯耕作而食之掘井而飲之吾 得而使也耕作而食掘井而飲是望不得以賞罰勸 公於見知之數則太公必以仁義治園者也烏有怒 人之不仕而殺之者哉齊因之氏衆矣耕田掘井而

1 - 4 - 4 - 4 - 1 - 1 - 1 各有志豈相强哉光武猶能容子陵太公之賢乃反 聖賢之心亦可見矣漢光武欲仕嚴子處子陵日上 **堯舜在上不廢巢由箕子不臣於周則封之於朝鮮** 能直道而行故孔子曰荷思失之無所不至今以其 為賢者哉人臣之患患在於貪廚職貪野豚則必不 而不仕也然則是以其賢而後殺之齊國豈復敢有 不貪爵隊而殺之是驅一國而使之皆惟利是圖也 不仕者不可勝數也太公叉安能盡殺之日爲其賢

**欲强天下賢人使入巳彀而偽託之於太公者故今** 不能容二子之不仕乎此乃法家之徒疾士之高尚 者妻長而夫拜之太公立而誅之以定齊國余按此 日仁者愛人義者尊老愛人者有子不食其力尊老 春秋繁露稱營蕩爲齊司光太公問以治國之要對 不錄而爲之辨 說至爲無理三代以上從無此等語言藉令果有此 人太公必不仕之以官而訪之以政也此乃名法之 

文武受命召公維翰旨 **音先王受命有如召公日辟国百里詩大** 備覧〇召公奭與周同姓姓姬氏 少世家 篇之文淺弱鄉碎乃雜綴傳記之嘉言以成篇者行 蠻西旅底貢眾裝太保乃作旅獒用訓于王余按 偽古文尚書有旅藝篇云惟克商遂通道于九夷八 侮君子數言與篇意全不類為山九仞二語則穩指 召康公

| 野婦考信録| を之八 者不得為武王之太保也是以史記周本紀於文王 階以龍貴臣雖子弟武夫皆可循次而遷轉也故傳 體隆禮重故當以香宿大臣為之非若後世止為官 論語之文爲之者其偽固不待言而於召公稱爲太 以朝于嬰齊而夕于側也召公在文王時無所知名 而至東王將猶存則其年當與周公相若少於武王 云无有師係如臨父母又云其爲太子也師保奉之 保亦與事理不合何者古之師保皆所以輔導人

為左右然則是召公於成王時始爲太保不得於武 **時無一言及於召丞者武王即位乃云召丞畢公之** 徒左右王其後召公凡屢見皆稱爲召公不稱爲太 遂為武王保也作偽書者蓋見召詩顧命之於召公 師而書君奭篇序亦云召公爲保周公爲師相成王 保至成王世遷殷遺民之後乃云召公爲保周公爲 皆稱之爲太保不求其故而遂於武王之世亦以 王時預書為太保也周公不得為武王師召公安得

何弗敬〇嗚呼若生于罔不在厥初生自貽哲命今天其命 大國殷之命惟王受命無疆惟休亦無疆惟惟嗚呼曷其奈 太保乃以既邦家君出取幣乃復入錫周公日拜手稽首旅 王若公誥告庻殷越自乃御事嗚呼皇天上帝攺厥元子兹| 宝宝者。信金一条スプ 記多采書序之文而此篇之序獨不見於本紀髮書 皆由於臆度而偽撰是以考其時勢而不符耳且史 與序出於一人之手故令並不錄 稱之正如呂覽之稱武王使保召公與微子盟者然

其億之用所天永命其惟王勿以小民淫用非舜亦敢殄戮 哲命吉凶命歷年知今我初服宅新邑肆惟王其疾敬德王 歷年欲王以小民受天派命書召 出于不祥〇公日君告汝朕亢保爽其汝克敬以于監于殷 我不敢知日厥基永乎于休若天棐忱我亦不敢知日其終 用义民若有功其惟王位在德元小民乃惟刑用于天下越 周公若日君黃弗弔天降丧于殷殷既墜厥命我有周旣受 王顯上下勤恤其日我受天命丕若有夏歷年式勿替有殷

聖命法信金一巻スノ 喪大否肆念我天威宁不允惟若茲語宁惟日襄我二人汝 德明我俊民在讓後人于丕時嗚呼為棐時二人我式克至 有合哉言日在時二人天休滋至惟時二人弗戡其汝克敬 于今日休我咸成文王功于不怠不胃海隅出日用不率件 君 践作召公疑之作,君夷馬氏融云召公以周公既極 書序云召公爲保周公爲師相成王爲左右召公不 說作君黃史記燕世家云成王既切周公攝政當風 Tel Marie

於周公踐作之初馬孔之說則在周公還政之後然 復在臣位其意不說禁傳以爲諸家之說皆爲序交 **額達云成王即政之初召公以周公告攝下之政分** 政致太平功院交武不宜復列在臣位故不說孔氏 書序皆不見此意但云召公不說未言不說者何事 所誤乃召公自以盛烯難居欲避權位退老厥邑周 公反覆告諭以留之爾余按史記之意以爲此篇作 云相成王爲左右則亦與周公践昨無涉也蓋諸家

豊第者信録不卷之八 **序相成王之文不合故曲爲之解以爲周公還政之 歓避權位周公留之於義為近然細玩篇中之語無** 後而召公不說其實皆非皆序意也惟蔡傳謂召公 馬氏億料之而為是言馬氏孔氏又以史記之說與 皆因戴記中有周公践阼之說先入而爲之主故司 則此篇乃周公自與召公相勸勉之言初無別故起 不說用公之意亦殊不見召公有盛滿難居之心然 非勉厲召公同心協力共輔大業不但不見召公省

後人所云云也馬舉陶之相舜也既各以譙言告舜 矣而二人者亦互相勸勉不必相疑而後然也今即 **丞既作立政無逸以勉成王召公亦作召詰以勉成** 别尋事端而曲為之說也召公當亦有告周公之篇 之常大臣憂國之心之所必至初不必於經文之外 王矣則二公之相處亦必有互相勉厲之語乃人情 但史逸之耳故今於書序史記諸家之言概不載問 公無踐阼之事說已詳前周公相成王篇中

豊婦者信母・老之八 想 蔽 带 甘 棠 勿 鶉 勿 拜 召 伯 所 說 詩 召 蔽芾甘棠勿翦勿伐召伯所茭蔽芾甘棠勿翦勿敗召伯所 光共子平 七 四 年 附錄O武子之德在民如周人之思召公馬愛其甘菜

はあたずとび上田を大 していて 棣之華那不韓韓凡今之人莫如兄弟其四章日兄弟獨 召穆公思周德之不類故斜合宗族于成周而作詩日常 于牆外禦其侮 二十四年 召穆公 焉其說皆與春秋傳異韋氏昭孔氏額達咸謂召穆 周語云周文公之詩日兄弟閱丁牆外禦其侮衛宏 毛詩序云常棣燕兄弟也**閔管蔡之失道故作常**棣 宣王之中與召穆公之功爲大故特錄之

若此詩果周公所作則文當云封建親戚以著屏周 公重述此詩而歌之杜氏林氏註左傳遂亦沿其說 之矣日周公币二叔之不成故封建親戚以蕃屏周 此未有而創之之謂也故曰述而不作若此詩果周 樂草人廢召穆公始作問公樂歌也余按作也者前 而歌常棣焉不當云作詩也周公之事此傳前文言 **公所作而召公但歌之則交當云斜合宗族於成周** 云周公作詩召公歌之富辰以爲召穆公所作者盖

脚記:資格と言法/へよらとして ・ 鼎時語况作亂者管察兄弟也以殷畔者管察兄弟 召公反歴歷述之也且其詩云死丧之威兄弟孔懷 愧無德以化兄弟使陷於大展不然則述管察之甚 事相反何邪若問公果因閱管察而作此詩則當自 而作常禄焉其詞云云不當於周公絕口不言而於 之親其所跳而疏其所親也而此詩反云兄弟急難 又云丧亂既平既安且寧皆似中衰之後不類初定 良朋永歎兄弟外禦其侮良朋然也無 戏語語與其

事當之耳不知所謂日莫如兄弟者但謂其意如此 撰詩序者又為國語所悞因臆度之而遂以管蔡之 其意遂疑莫如兄弟外禦其侮之句爲周公之所作 莫如親親故以親屏周召穆公亦云撰周語者誤會 弟故封建之其懷柔天下也循懼有外侮打禦侮者 太息也盖此傳後文云周之有懿德也猶日莫如兄 之疏使天下勤王之賢侯從征之義士聞之而投戈 間王室以爲兄弟戒不當反護兄弟之罪而斤異姓

豊錦考信様不老之八 其心懼有外侮非必作詩言外樂其侮然後得為懼 其言如此非謂其詩如此也所謂懼有外侮者但言 詩為召穆公所作自韋氏杜氏曲護周語詩序之失 非以歌周公之詩為亦云也所以鄭唐舊說皆以此 於是停之明明稱爲召公所作者巧辭强說百計以 也周公之意召公之詩如合符節故云召穆公亦云 屬之周公雖以朱子之最不信序亦從而附和之遂 致詩人之意大半晦於說詩之人亦可為之長太息

清召伯有成王心則寧詩小 肅肅謝功召伯營之烈烈征師召伯成之原隰既平泉遊爲 能两是也乃必欲使之皆是而無非委由展轉以求 傳不同左傳果是則問語詩序必非問語詩序杲是 矣且夫說經者惟期定於一是耳周語詩序旣與左 **並見正錄中六月出車條下** 則左傳必非周則周召則召雖二尺童子皆知其不 **两全而卒不可通其亦拙矣故今從左傳載之此說** 

豊錦考信録へ巻と八 整爾主 費和吧一 自告于文人级山土田于 周受命自召祖 命虎拜稽首天子萬年詩大 此詩前三章叙召公經署江漢之事乃國家大政故 中矣此篇專美召公故錄於此 錄之於此 摘錄之於宣王篇中後三章帝言召公受賜事故摘 宣王封申之功具在崧高一 一詩已摘錄之於宣王慧 呈

豊錦考信録へ巻之入 **昔衛武公年數九十有五矣猶箴警於國日自卿以下至** 師工之誦〇於是乎作懿戒以自警也原註懿及其沒也 有誦訓之諫居寢有替御之箴臨事有瞽史之道宴居有 於師長士苟在朝者無謂我老耄而舍我必恭恪於朝朝 夕以交戒我〇在與有旅資之規位宁有官師之與倚几 衛武公 西周之世諸侯賢者莫如武公且武公亦似為王 卿士者故特錄之 孟

Å

西正古門出了三日上京 一人子・ラー・ 国語稱武公年九十五個樣談於國恭格於朝作科 自警至於沒身謂之啟聖詩著衛世子共伯早卒不 爲諱反若與有其事來隱之言爲非是者余按樂以 說者乃謂武公前後善惡自不相掩不必以其弑君 史乎蓋太史公乐雜說而為此記耳共論當矣近世 侯是為武公司馬正索應云季札美康权武公之後 象德故日見其樂,而忽其德若武公弑兄自立大本 云被殺若武公役兄而代立豈可為訓而形之於國

手名言一生一分人 認誦但有以死自守之心而絕無傷其失死於非愈 於弑兄之賊也逆取順守以結民心世有之矣然必 找儀我特之稱之死靡他之語其事亦近是也超退 倚相引此以識史忠史光其無詞乎武公之赤嘗弑 無稱以唇聖者荷非改心病狂何至加此不情之名 記互較之相舟在腳風之首牆灰之前其世近是也 兄亦明矣毛詩諸序固不能無附會然以其說與史 失矣其樂復何足觀而季札讓國之賢亦必不服廚

東京南北江言家大人ところ 康誥日王若日孟侯朕其弟小子封是武王誥康权 之意以爲早卒,而非被私此固無從見其爲誤者也 共伯之死當從詩戶不當從史記斷斷然矣索隱之 與經刺影如是此又不可據以為實者也由是言之 **康誥命康叔謂頃侯賂周夷王命爲衛侯其前交旣** 而封爲衛侯也而衛世家乃采世俗之說謂周公以 說是也又按髦者子事父母之飾父亡則脫左髦母| 亡則脫右耄今云毙後两髦則是共伯死時父母固 Ē

**验自防故能入相于周美而作是詩也詩** 存然〇 洪奥美武公之德也有文章又能聽其規諫以 詩正義謂共姜追述其父母在時之飾嗚乎但欲曲 按衛之賢君無如武公者序說近是至稱入相于周 罪吾誠不知其何心也故今復申索隱之意而詳辨 全前人之說遂不難於委曲宛轉以誣聖賢而入其 **猶存也父母猶存則非立後為弟所弑明矣乃孔氏**  存恭〇寶之初筵衛:武公飲酒梅過也後漢 雖無左証然實筵與抑二詩皆刻于雅則理亦或有 史記武公立於問宣王十五年武公四十二年大成 無顚倒者而抑 在桑柔雲漢之前故序以爲厲王堉 之故列之于存稔 殺周幽王武公治兵佐周平戎有功余按大雅篇失 王詩序以為刺王 則篇中未見此意故舍彼而乐此 按賓筵詩意與押暑相類但重在飲酒耳此說近是

豐鎬		<u> </u>				
豐銷考信錄卷之八終		寧可	於齊	而犬	詩若	
<b>奉之八</b>		寧可深信故今·不敢輕載	於齊威宜二王,皆移前數十年彰見	而犬戎之亂不當武公世矣恐史記	詩若武公於厲王時已爲諸侯則非	
和。		今不敢	干、皆移	不當武	厲王時	
		戦戦	前數十	公世矣	已爲諸	
			年設實見	悉史記	<b>侠則非</b>	
	}   		<b>稣</b>	有惧也	立於宣王之世	***
			則此年也	有帳也觀災記	王之世	